

SIAYĖKEMACA SIABAI KĖOJĖNA KAYAYE KUI'NE JĖNA, PAIYE KAWESOSE'EPI SIAYE
TUTU PAYE JAI TSUTSUPĖA OMETĖKANA

NUÑEREPa SIA'WE'ÑA CAHUESOSE'E MAI PAL KĖKOPAYE

Kaya jĖña kou KĖna ometĖkawĖ sia'we'ña sewojĖ kui'ne canĖowĖ_si'aye pai
paija'ñe tutukĖ'ye, iĭi kĖaye kato pai'ji iye ñese saieoni. Iona tsoe
paikona ñajĖ, jaipai tsi'sisito kakua'i señĖ iĭi toyapĖpĖ kĖawesojĖ'Ė
sia'we'ña, jamaka ñasiko paija'kore siapai, kui'ne kĖajĖ paija'cua'ire
toyaja'o ye'yewe'ñaje, yeke pa'yea'Ė kajĖ ñañeje peoye i_wa'i kuasajĖ
nese'e yekĖ yeja pai.

Ja'a_wĖoko

Kase'epi de'oye, kōne kui'ne jeoñe payĖ jaje, sia'we'ña ñase'erepare
sa'nawĖ payĖ sia'yĖ'kĖ maka tutu, kui'ne sioma'ñerepare sia'pai tsĖkapĖ
pai'ye.

Jaje paikĖta'a kuasayĖ ñama'ayepi kui'ne oima'ayepi, pa'iji sia'paire,
japi ai jaiye ñese saniwesĖji pai pa'ijĖ kuasaye, kui'ne aijerepa
kawesose'pi, jaje pa'ina kokase'e kayĖ de'oye pa'ieye kui'ne de'oye
pa'iyĖ kuasajĖ sewoye.

Jaje paise're yure kato ñasikua'irepa kui'ne kĖkopakua'i pa'ieye pa'iji,
kua'ye pa'ise'e jeoni paimakata'a pa'ieye pa'iji nejo ma'kua'i.

Jamakata'à ñese de'oyerepa ñese saiye siwajĖ kui'ne pa'iyĖ yekĖwe'ña
ñasikua'irepa.

YekĖwe'na yejaña kato de'oyerepa kuasani kuinaoni kanĖowesĖwĖ. Toya
ja'wana pai tutukĖiwa'i paija'ne, de'oyerepa kui'ne iwa'irepa'Ė kajĖ,
si'ayĖkĖmaka ĖmĖowa'i kui'ne nomiowa'ije koni, tsoe jaje pa'ina
jeowesowĖ ai jai kore, de'oye pa'iyerepare kasikua.

Iye kuasaye cato sewosikua kadĖowesĖja'core, oiyerepapi si'aye kuasajĖ,
tsi'sisikua'ija're kawesĖ ja'ñe, si'aye oiye kui'ne tutukĖ'yerepa
pa'ija'ñe jamakata'a kuade'oye pa'ieye pa'iji pal.

Iye kato kuasase'ea'Ė si'aye tutupa'ieye, jaje pa'ina iye kato ai
de'oyerepa'Ė iĭi ñese saija'ñere kuasajĖ sewowesĖse'ea'Ė.

Tsi'sini jai pai koka kako

JĖaye kawesoyĖ yure

Si'aye pai_tutu pa'ieye kĖawesosikua, ikore kato si'a daripĖa kui'ne
jaiwe'ñaje nesaoye pa'iji, te'owa'imañaje kui'ne kua'me
kokaiwe'ñamañaje, ñese saye pa'iji de'oye kajĖ, jamakata'a si'adaripĖa
pa'ieye pa'iji de'oye kui'ne yeja pa'ieye conĭ kĖkojĖ.

Te'o ako kĖaye.

Si'apai aide'oyĖ kua'ye peoye kui'ne siayĖ'kĖ maka pa'ieye kui'ne
tutupaye koni, jaje kuasase'sĖtepi kuaju'i'ne peoye ñese saiye pa'iji
kokaijĖ yekĖ paireje.

Kayaye ako këaye

Si'a pai payë tutu kui'ne kua'ye peoye yure ikore ai jëaye kawesosido'ire, jaje pa'ina ña'ne peoji yekë paiña'ë kajë, iyeje pa'yere, pai, koka, iowa'i pa'iye, kuasaye, pani iyese'e kayepañë kuasia'ye pa'ye, kuri pa'ye, aideo'ye kui'ne kuasi'aye pa'iye.

Kui'ne yekeje pajakua'ia'ë kaye yeke iwa'i kuasayepi iyea'ë kajë aijaidaripëa sia'we'ñaje paniye yeja paiñeje iti paipi kuasajë ne'ne pa'iji, jai daripëa kaye kato te'owaise're ka'neje pa'yea'ë, iwa'ise'e kuasayepi nejë.

Toaso'ne ako këaye.

Teo'wa'ije payë de'oye tutu pa'iye, kua'ye peoyeje koni, kui'ne këcojë pai_pa'iye.

Kajese'e ako këaye.

Si'awa'i pa'iye peoji kua'ye jëaye pa'ye kajë, kui'ne kua'ye yo'okuañu'neje peoji, iye kato ëse'e'ea'ë sia'ye pa'ye.

Te'jëtë ako këaye.

Jare si'apai kua'ye yo'okuañu'ne tipegiji, të'caye, tse'ne, wanijea'ne paniye ai kuaye pa'ye.

Te'e jëtë Ëjatupë këako.

Si'apai payë tutu, sia'we'ña kui'ne ñakuañu'neje pa'iji pai karepase'e pa'iye.

Ëjatupë kënope.

Si'apai pa'iyë sia'yë'këmaca kui'ne payë yekua'ia'ë kaye peoye, jaje pa'ina Si'awa'i payë tutu karepaye akëpai_kë'ro. Jaje pa'ina mai_tutu payepi de'oye pa'iyepa'iji, tsoe ikore kawesosidoipi kokaiji kua'ye kaye peoye pa'ija'ne.

Kayaye te'ejëtë ako këaye.

Si'a pai tutu payë de'oye pa'iyere kuasajë yekëwe'ña sa'nupe kajë, mai_kase'pi kokaijakë kua'ye yo'oma'kuai'ni kajë mai tutu kë'ye paiye, jeje paina maire toyapëpëpi kakorepa pa'ijakë.

Te'e jëña Ëjatupë peoye këako.

Jare peoji ma' tsea kuañu'ne.

Kaya jëña ako këako.

Si'a pai payë deoye paiye, si'ayë'këmaca paiye, jamakata'a sia'we'ña asasaoye pa'iji kui'ne oirepayepi kua'ye paise'eje carojaiye pa'iji kui'ne kua'ne'ne paiji ne'ña'ne paiji kuasia'ye pa'ye iti kase'e sa'ne pa'iye.

Kayajëña te'o ako këako

Si'a pai kua'ye yo'o sikua'i payë tutu iwa'i yo'ose'e jayuta'a iti ñati'añe pa'iji do'ikë'ye, iti kase'je paiye, kui'ne kaye paiji sia'we'ña jamaka kase'repa pa'iji tutu pa'ye.

Si'a pal peoji kua'ye paye painije siokuañuñe ja yuta'a ñati'ama'maka kato, jaje pa'iji tutu pa'ye yekë daripëa paiyeje. Jaje paina peoji maipi caye de'oye nede'waë'ëje pa'yere aijerepa kua'yena saiye peoye.

Kaya jëña kayaye ako këaye.

Mai teowa'i paiye kato peoji kaye kua'maña'ë kajë ñese kaye, mai tsëkapëreje, mai paiwe'ñaje panije ise'e pa'ito peoji kua'aye neñeje peoji ipi kuasakë pa'iyë. Jaje pa'ina si'a pai_payë de'oye pa'iyë, jaje paina nejo jeoñe paiji kua'ye paise'e.

Kaya jëna kayaye te'o kako këaye.

Si 'a pai_payë deoye daoye sia'we'ña kui'neje yeja pëañeje koni.

Si 'a pai payë tutu kuasi'adaripëa, ipaidaripë, jaje saisikëre ta'a ko'iyë pa'iji i mai_daripëna.

Kaya jëña Ėjatupë peoko ako këaye.

Kue'kua'i pa'ito, sia'pai payë tutu kë'ye payë katiye paiji kuasia'yejaña, jamaka siwajë pa'iyë pai'ji iti ku'ase'e.

Iye pa'ye kato peoji sa'ñe kua'ye neñe, kua'ye payena, panije sa'ñe kayeje peoji yekë jaiwe'ña pai yejaña'ë kajë.

Kaya jëña yekë jëtë ako këaye.

Si 'a paije tutu payë pai paiyerepa

Jare peoji ëseye i pa'iwe'ña yeja akëre, yekeje tipeoji kaye yëkë pa'iñeje paijë'ë kajë.

Kaya jëña yekë jëtë te'o ako këaye.

Ėmëowa'i kui'ne nomiowa'i, jayuta'a ëañawëomakapi tsoe payë tutu, kaye peoji kaje paiña'ë, iti pai'ë kajë wejaye, jamaka wejani siwajë pa'iyë pa'iji kuineje pa'iji jeokoni de'oye pa'iyë itibi jaje pa'ito.

Iwa'ise'e kuasajë kui'ne ëjëpaija'këpi kuasani wejaye pa'iji.

Paiṭsëkapë Kato de'oye paiyere'pa'ë jaje paina ñacairepayë sia'we'ña akë pa'ije.

Kaya jëña yekë jëtëkayaye ako këaye.

Si'a pai payë tutu pa'iyë yeja, te'iwa'i kui'ne si'apai de'otsëcapëa.

Jare peoji yë'ë tsekua yeja kajë ëseye.

Kaya jëña yekë jëtëkayaye te'o ako këaye

Si'apai payë iwa'ise'e kuasaye, iwa'i paiye, iye Kato pa'iji si'aye

nedewaye iti sewoye, kui'ne koka kaye kuasia'ye sia'we'ña paiwe'ñana, paniye te'owa'ise'e pa'iwe'ñaje koni, iti ye'yayepi, neñañepi, sewoyepi kui'ne ñasaoyepi, iyepi pa'iji maire de'oye saye.

Kaya jëña yekë nekayo beoko ako këaye.

Te'owa'ije de'oye payë iwa'ise'e kuasaye kui'ne koka kayeje, iyepi tsi'siji kua'ye pa'ije, josa kakuañujë paima'ñe kui'ne japi kawesorepaye pa'iji, yekeje kaye peoji ikoja'a pa'iji kaye, iyese'e kaye paji, kuasi'aye de'oye saija'ñere.

Jëña-nëkañua

Si'awa'i te'owaise'e tsi'sini koka kaye payë kuasia'hue'ña.

Jare peoji kuañeñe yekë tsëkapëna tsioni paiye.

Jëna-nëkañua - te'o

Si'a pai payë tsiojaiye mai akërepa kë'ro, ikë'rorepana te'repapi paniye yekë paija're koni iti ñakëja're.

Si'a pai tutupayë si'ayëkëmaka paiye kua'me nedojaye mai paiwe'ña yeja.

Itidaripëa paikua'i kato payë sia'we'ña akua'i kayere, iye kato kokaiji kaji mai ëjaëwa'irepare mëojë saiyere, iti mëoñe kato neñë yawese're, japi kokaiji de'oye karepayepi mëose'e.

Jëña-nëkañua kayaye

Si'a pai, ititsëkapëje paiwa'i payë kadëose'repare kuasi'aye kui'ne jaje pa'ina si'a akëpai kokaiye paiji, ja tutu do'ire kuasajë, jaje pa'ina tsoe kuasase'pi kuri pa'ie, kuasi'aye kui'ne maipaiye, iye kato mai kuasayepi nesaojë paiye paiji sia'yëkë maca pa'yepi .

Jëña-nëkañua toasoñe

Si'a pai payë kua'me nedojaiye kuasia'we'ña, iwa'i yëyepi tia'ñe paiji kua'meneñe, jaje paikëreta'a si'ayë'këmaka paipi, jaje paina kua'ju'iñe peoye kua'me newe'ña tra' ni, nejë pai'ye baiji, peokua'i pa'ie peoji.

Si'a pai payë kui'ne pa'ye tutu, jaje pa'ina kui'ne ja'ñe kua'meneñe ti'añe pa'iji.

Si'a pai kua'me neñe tutu payë kui'ne ja'ñe pa'yë, jaje pa'ido'irekui'ne ja'ñe kuri neñepa'iji, nede'huase'e pa'ina de'oye mai tsëcapëje deo'ye kuasajë baija'ñe, io paire kañeje paiye, yekebi karasiko pa'ito neti'añe pa'iji.

Si'a pai payë tutu iwai'pi kuasajë tsi'sini neñe, iwa'i yëyere.

Jëña-nëkañua Kajese'e

Si'a pai payë tutu kua pëawajëjë pa'ie, siwajë pa'ie ioja'ye kua'mene' ometëkawë tiä'seja'ye kui'ne iye pa'ie kato sa'ñeñe pa'iji.

Jëña-nëkañua jëtëna

Si'a pai payë mai paiye kadëose'repare, iye pa'yere, mai pai, jujukaiwe'ña kui'ne de'oye paiye sia'ye, ao_aine, kaña ju'iyë, wë'ña pa'iyë, juikua'ire jujukaiye kui'ne kuasia'ye, yeke payë kui'ne pa'ye kua'me newe'ña paiwe'ña peoye, juidawë, do'ima'pai, aipë maña, iyese'e paiyeje pani kuasia'ye iwa'i te'owa'i pa'ïneje pa'ye.

Kui'neje pa'ye ëtapë këiwa'i kui'ne tsi mana payë tutu de'oye kokaiyere. Si'a tsi wejani aidewasicoa'i panije kua aide'wakua'nusikua'i payë kui'ne pa'i tuture.

Jëña-nëkañua jëtëna te'o

Si'apai payë kui'neja'ñe totyaja'o ye'yeye. Toyaja'o ye'yeye kato peoji doiye ja'a ye'yehuëje pa'ye kato. Ja'a ye'yewëoye kato ai kuañeñe paijija'kua. Kui'ne toyaja'o nekaikua'repare kato ai jaiye nesaose'e pa'ijakua, kui'ne aijerepa aye toyaja'o ye' yeye kato' kui'ne paiji sia'waire, io_ai do'iko do'ire.

Toyaja'o ye'yeye kato mai pai de'oyerepa pa'ija'ñea'ë, jaje paina toyaja'o kato itirepa'ë sia'we'ña mai kua'ju'ijë pa'iyë, de'oye pa'iyë kajë, paire sa'ñe oijë koka kaye, japi pa'ina mai_ñese saiye pa'iji, siwajë.

Pëkaja'këpi ñani tseañe paiji toyaja'o ye'yeye i mamakëre kokaiyere kuasani.

Jëña-nëkañua jëtëna kayaye

Mai aipë ukujë paise'e sia paije payë ukuye mai pa'idaripëakë'ro, siwajë mai tsea'ë kuasajë kui'ne tideo'ye paito tia'ñepa'iji.

Si'a pai payë iwa'i yëyepi toyaja'o nesaoye, iwa'i kuasayepi, netijini jaiye toyapëpëa etosaoye, jaje paita'are te'owa'ise'e paye pa'iji iti toyapë akë.

Jëña-nëkañua jëtëna- toasone.

Iye maire carepawesose'e kato si'a pai tutu paye pa'iji yekë yejaña kë'roje ñase'repa, jaje paina itirepa pa'iyë paiji iye.

Jëña-nëkañua jëtëna kajese'e

Si'a pai payë maire kuañese'e mai pa'idaripë kë'ro, maipi de'oye nejë de'oye neto saji mai paiye.

Iye neñañekato mai këkopayea'ë kui'ne siwajë paiye, kato sia'pai paija'kua'ia'ë toyapë akëpai kase'pi, itikato kanëose're maire kokaija'ñere kui'ne oiye paise'e, kui'ne kuañeñe paiji iti mai kuasayese'e, kui'ne de'oye paiyére kajë sia'we'ña mai yëye pa'yere.

Iye tutukë'ye kato peoji yekua'ipi dekakaiye iti paiye kui'ne iti tsoe yekëwe'ñaje kase'e pa'ito.

Jëña-nëkañua jëtëna.

Jare iye kawesosikore jare peoji yekë paipi iwa'i kuasayepi dani nejë

neño'o kajë nedojaye, paije te'e pai dani iye kato akëpai tsea'ë kajë
kuasia'ye nedojaiye peoji, iye kato tsoe kawesosikore.